

Na osnovu člana 6. stav 2., člana 19. stav 1. tačka a), člana 48. stav 3. i člana 49. Zakona o državnoj službi u Federaciji Bosne i Hercegovine ("Službene novine Federacije BiH", broj 29/03, 23/04, 39/04 i 54/04), Vlada Federacije Bosne i Hercegovine donosi

UREDBU

O IZMJENAMA I DOPUNAMA UREDBE O POSLOVIMA OSNOVNE DJELATNOSTI IZ NADLEŽNOSTI ORGANA DRŽAVNE SLUŽBE KOJE OBAVLJAJU DRŽAVNI SLUŽBENICI, UVJETIMA ZA VRŠENJE TIH POSLOVA I OSTVARIVANJU ODREĐENIH PRAVA IZ RADNOG ODNOSA

Član 1.

U Uredbi o poslovima osnovne djelatnosti iz nadležnosti organa državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa ("Službene novine Federacije BiH", broj 35/04), u članu 1. u trećem redu riječi: "Zakonom o upravi u Federaciji Bosne i Hercegovine" zamjenjuju se riječima: "Zakonom o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).

Član 2.

U članu 2. stav 1. tačka 2. mijenja se i glasi:

"2) dopunske poslove osnovne djelatnosti i poslove pomoćne djelatnosti".

U stavu 2. riječi: "administrativno-tehničke i pomoćne djelatnosti" zamjenjuju se riječima: "iz stava 1. tačke 2. ovog člana", a na kraju teksta tačka se briše i dodaju riječi: "i Zakonu o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05)".

Član 3.

Član 3. briše se.

Član 4.

U članu 4. riječi: "Zakona o upravi u Federaciji Bosne i Hercegovine" zamjenjuju se riječima: "Zakona o organizaciji organa uprave u Federaciji Bosne i Hercegovine".

Član 5.

Iza člana 34. dodaje se novi član 34a., koji glasi:

"Član 34a.

Iznimno, državnom službeniku u organu državne službe može se odobriti neplaćeno odsustvo u trajanju dužem od 30 radnih dana, u slijedećim slučajevima:

1) boravak u inostranstvu radi spajanja porodice, ukoliko bračni drug državnog službenika boravi u inostranstvu po osnovu odluke nadležne institucije Bosne i Hercegovine ili nadležnog organa Federacije Bosne i Hercegovine (u daljnjem tekstu: Federacija);

2) školovanje koje nije obuhvaćeno organizovanim oblicima obuke koju provode organi i institucije u Federaciji, odnosno u Bosni i Hercegovini, a koje doprinosi ukupnom usavršavanju državnog službenika.

Odsustvo iz stava 1. tačke 1. ovog člana ne može trajati duže od četiri godine, a odsustvo iz stava 1. tačka 2. ovog člana ne može trajati duže od dvije godine.

Za vrijeme odsustvovanja sa rada, u skladu sa stavom 1. ovog člana, prava i obaveze iz radnog odnosa državnog službenika miruju".

Član 6.

U članu 38. u prvom redu broj "26" zamjenjuje se brojem "27", a broj "29" zamjenjuje se brojem "30".

Član 7.

Ova Uredba stupa na snagu narednog dana od dana objavljivanja u "Službenim novinama Federacije BiH".

V broj 755/05
22. decembra 2005. godine
Sarajevo

Premijer
dr. **Ahmet Hadžipašić**, s. r.